

Skupština Kantona Sarajevo

Admela Hodžić, zastupnica u Skupštini Kantona Sarajevo

Sarajevo, 14.11.2025. godine

Bosna i Hercegovina

Federacija Bosne i Hercegovine

Kanton Sarajevo

Skupština Kantona Sarajevo

N/r predsjedavajućeg

Vlada Kantona Sarajevo

**Ministarstvu komunalne privrede, infrastrukture, prostornog uređenja, građenja i zaštite
okoliša Kantona Sarajevo**

ZASTUPNIČKO PITANJE

Na osnovu člana 211. Poslovnika Skupštine Kantona Sarajevo („Službene novine Kantona Sarajevo”, broj 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 - Ispravka i 47/24) upućujem zastupničko pitanje Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo, kada će korisnicima subvencija po Javnom pozivu za subvencioniranje rješavanja stambenog pitanja mladih iz 2023. godine, biti raspisan Javni poziv za doplatu razlike sredstava prema Zakonu o doplati novčanih sredstava korisnicima subvencije po Javnom pozivu za subvencioniranje rješavanja stambenog pitanja mladih za 2023. godinu-skraćeni postupak, usvojen 15. oktobra, a objavljen u „Službenim novinama Kantona Sarajevo“, 23. oktobra 2025. godine, koji je stupio na snagu 31.10.2025.godine.

OBRAZLOŽENJE

Članom 3) Zakona izričito je propisano da je Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo dužno u roku od 15 dana od dana stupanja na snagu, objaviti obavijest o potrebnoj dokumentaciji, načinu i rokovima isplate. Do današnjeg dana, ta obavijest nije objavljena, iako je zakonski rok istekao u subotu, 15. novembra.

Time se direktno dovodi u pitanje poštivanje Zakona koji je upravo Skupština Kantona Sarajevo

usvojila po skraćenoj proceduri, s ciljem ubrzane isplate prema mladima, koji već dvije godine čekaju na ostvarenje svog prava.

- Zašto se probijaju rokovi propisani zakonom koji ima svega osam članova i jednostavnu provedbenu strukturu?
- Da li Vlada KS i nadležno ministarstvo planiraju zakon primijeniti u rokovima koje su sami propisali?

Svako dalje odgađanje predstavlja kršenje Zakona i primjer nesavjesnog postupanja organa uprave, što je suprotno načelu zakonitosti iz Zakona o upravi FBiH.

Molim nadležne da što prije odgovore na ovo pitanje.

Član 3. **(Postupak isplate)**

- (1) Ministarstvo komunalne privrede, infrastrukture, prostornog uređenja, gradjenja i zaštite okoliša (u daljem tekstu: **Ministarstvo**) je dužno, u roku od 15 dana od dana stupanja na snagu ovog zakona, obavijestiti sve kandidate iz člana 4. ovog zakona o obavezi dostavljanja dokumentacije potrebne za realizaciju isplate.
- (2) Ministarstvo će posebnim aktom propisati vrstu, sadržaj i način dostavljanja dokumentacije potrebne za realizaciju isplate novčanih sredstava iz ovog zakona.
- (3) Ministarstvo, nakon isteka roka za dostavu potpune i validne dokumentacije iz stava (2) ovog člana, sačinjava i dostavlja Vladi Kantona Sarajevo konačnu listu korisnika na potvrđivanje i donošenje odluke o isplati novčanih sredstava.
- (4) Raspored i dinamiku korištenja novčanih sredstava iz člana 1. ovog zakona precizira Vlada Kantona Sarajevo posebnim aktom, najkasnije u roku od 15 dana od dana dostavljanja konačne liste iz stava (3) ovog člana.
- (5) Ministarstvo finansija Kantona Sarajevo izvršava isplatu doplate novčanih sredstava u skladu sa raspoloživim sredstvima predviđenim u Budžetu Kantona Sarajevo.

Član 4. **(Pravo na doplatu novčanih sredstava i konačnost isplate)**

- (1) Pravo na doplatu novčanih sredstava imaju kandidati koji u skladu s ovim zakonom ispunjavaju kumulativno sljedeće uslove:

Admela Hodžić